4-2001-2404/147-сонли иш

АЖРИМ

(даъво аризасини кўрмасдан қолдириш тўгрисида)

2024 йил 20 февраль

Бухоро тумани

Бухоро туманлараро иқтисодий судининг судьяси Н.Солиев раислигида, судья ёрдамчиси Б.Турсуновнинг котибалигида, даъвогар "BAHOR CHANCE TEXTILE" масъулияти чекланган жамияти "Темир Толиб Файз" фермер хўжалигига нисбатан қарздорликни ундириш тўғрисидаги даъво аризаси бўйича қўзғатилган ишни ўз биносида очиқ суд мажлисида кўриб чиқиб, қуйидагиларни

АНИКЛАДИ:

"BAHOR CHANCE TEXTILE" масъулияти чекланган жамияти (бундан буён матнда даъвогар деб юритилади) судга даъво аризаси билан мурожаат килиб, "Темир Толиб Файз" фермер хўжалиги (бундан буён матнда жавобгар деб юритилади)дан 589.301.014 сўм асосий қарзни ундиришни сўраган.

Тарафлар судга ариза билан мурожаат қилиб, тузилган медиатив келишувни тақдим этиб, ишни курмасдан қолдиришни сурашган.

Суд, иш ҳужжатларини ҳамда судга тақдим этилган медиатив келишувни ўрганиб чиқиб, қуйидаги асосларга кўра даъво аризасини кўрмасдан қолдиришни лозим топади.

ИПКнинг 131-моддасига кўра, тарафлар низони келишув битимини ёки медиатив келишувни тузиб хал этиши мумкин. Келишув битими ёки медиатив келишув даъво тартибидаги хар қандай иш бўйича тузилиши мумкин. Келишув битими иктисодий суд ишларини юритишнинг хар қандай босқичида ва суд хужжатини ижро этиш жараёнида, медиатив келишув эса биринчи инстанция судида суд алохида хонага (маслахатхонага) суд хужжатини қабул қилиш учун чиқкунига қадар тарафлар томонидан тузилиши мумкин. Келишув битими у суд томонидан тасдиқланганидан кейин тузилган хисобланади.

Тарафлар ўртасидаги 2024 йил 20 февраль куни тузилган медиатив келишув медиатор Ф.Рахмонова иштирокида тузилган.

"Медиация тўғрисида"ги Ўзбекистон Республикаси қонуни (бундан буён матнда "Қонун" деб юритилади) 29-моддасининг биринчи қисмига кўра, медиация тартиб-таомилини амалга ошириш натижалари бўйича тарафлар келиб чиққан низо ёхуд мажбуриятларни бажариш шартлари ва муддатлари хусусида ўзаро мақбул қарорга эришган тақдирда, тарафлар ўртасида ёзма шаклда медиатив келишув тузилади. Ушбу модданинг учинчи қисмига кўра, медиатив келишув уни тузган тарафлар учун мажбурий кучга эга бўлиб, ушбу келишув унда назарда тутилган тартибда ҳамда муддатларда тарафлар томонидан ихтиёрий равишда бажарилади.

ИПК 107-моддаси биринчи қисмининг 5³-бандига кўра, тарафлар ўртасида медиатив келишув тузилган бўлса, суд даъво аризасини кўрмасдан қолдиради.

Шунга кўра, суд иш бўйича тарафлар ўртасида медиатив келишув тузилганлигини инобатга олиб даъво аризасини кўрмасдан қолдиришни лозим топади.

"Давлат божи тўғрисида"ги Ўзбекистон Республикаси Қонуни 18-моддаси биринчи қисмининг 9-бандига кўра, агар тарафлар ўртасида медиатив келишув тузилган бўлса, ариза кўрмасдан қолдирилганда давлат божи тўлик ёки қисман қайтарилиши керак. Қайд этилганларга кўра, суд иш бўйича давлат божини ундирмасликни, олдиндан тўланган 34.000 сўм почта харажатини даъвогар зиммасида қолдиришни лозим топади.

Юқоридагилардан келиб чиқиб ҳамда ИПКнинг 107, 131, 170, 195 ва 196-моддаларини қўллаб, суд

АЖРИМ КИЛАДИ:

Даъвогар "BAHOR CHANCE TEXTILE" масъулияти чекланган жамияти жавобгар "Темир Толиб Файз" фермер хўжалигига нисбатан 86.305.501,58 сўм асосий қарзни, 589.301.014 сўм асосий қарзни ундириш тўғрисидаги даъво аризаси кўрмасдан қолдирилсин.

Олдиндан тўланган 34.000 сўм почта харажати даъвогар "BAHOR CHANCE TEXTILE" масъулияти чекланган жамияти зиммасида қолдирилсин.

Ажрим устидан бир ой муддат ичида Бухоро туманлараро иктисодий суди оркали Бухоро вилоят судига апелляция тартибида шикоят келтириш мумкин.

Судья Н.Р.Солиев

